



ALIJA
IZETBEGOVIĆ
M U Z E J

NEWSLETTER

JU Muzej "Alija Izetbegović" Sarajevo

Broj 3/2025



100 godina

*od rođenja Alije Izetbegovića, prvog predsjedavajućeg
Predsjedništva nezavisne Republike Bosne i Hercegovine*



**Polaganje
cvijeća**



**Ljetna škola
diplomacije -
V ciklus**



www.muzejalijaizetbegovic.ba

Narodno pozorište
Sarajevo

Svečani koncert povodom stote godišnjice rođenja Alije Izetbegovića

U Narodnom pozorištu Sarajevo, 17. oktobra, održano je premijerno izvođenje simfonijske poeme "Moj bijeg u slobodu", kompozitora i dirigenta Emira Mejremića povodom obilježavanja



100. godišnjice rođenja Alije Izetbegovića u organizaciji JU Muzej Alija Izetbegović i Fondacije Alija Izetbegović.

Simfonijska poema predstavlja muzičko djelo, nadahnuuto istomimenom knjigom, koje zadire u samu suštinu slobode čovjekovog duha. To je potraga za mogućnošću da se unutar sloboda pretoči u umjetnički izraz.

U sklopu programa obratio se prof. dr. Sead Šemšović. Moderator programa Adnan Rondić.

Pozdrave prisutnima uputio je iz Sjedinjenih Američkih Država Vilijam



Džeferson Klinton (William Jefferson Clinton) i iz Republike Turske predsjednik Recep Tayyip Erdoğan koji su podijelili svoja sjećanja i izraze poštovanja prema ličnosti i djelu prvog predsjednika Predsjedništva Republike Bosne i Hercegovine.

Srdačno se zahvaljujemo svima koji su svojim dolaskom uveličali program obilježavanja 100. godišnjice rođenja Alije Izetbegovića.



Pismo bivšeg američkog predsjednika Billa Clintona

Divio sam se njegovoj inteligenciji



To President Izetbegovic - with respect and
good wishes for you remain
Bill Clinton



“Srdačan pozdrav svima vama koji ste se okupili večeras u Sarajevu, povodom obilježavanja izuzetnog života i naslijeđa predsjednika Alije Izetbegovića. Predsjednika sam upoznao tokom najmračnijih ratnih dana u Bosni i Hercegovini i duboko me se dojmila njegova smirena odlučnost i nepokolebljivo uvjerenje da ljudi različitih vjera mogu ponovo živjeti zajedno u miru. Iskreno sam se divio njegovoj inteligenciji, pribranosti i moralnoj snazi, i zauvijek ću mu biti zahvalan na njegovom hrabrom vodstvu u teškim vremenima”, napisao je Clinton.

Istakao je da je ponosan što su Sjedinjene Američke Države mogle stati uz njega i uz narod Bosne i Hercegovine, kako bi pomogle da se okonča rat i podrži mir.

“Tokom mirovnih pregovora u Daytonu, u njemu sam vidio lidera koji je bol svog naroda nosio s dostojanstvom. Ni u jednom trenutku nije mir poistovjećivao s predajom, niti pravdu s osvetom. U godinama koje su uslijedile, dok se Bosna ponovo gradila, predsjednik Izetbegović je ostao dosljedan svom uvjerenju da je pomirenje jedina istinska pobjeda. Na dan kada bi slavio svoj stoti rođendan, najbolji način da odamo počast naslijeđu predsjednika Izetbegovića jeste da slijedimo njegov primjer — birajući saradnju umjesto sukoba. Želim vam dostojanstveno i prigodno obilježavanje godišnjice rođenja”, zaključio je u pismu.



Polaganje cvijeća na mezaru predsjednika Alije Izetbegovića

Polaganjem cvijeća i odavanjem počasti 17. oktobra 2025. godine na Šehidskom mezarju Kovači obilježena je 22. godišnjica smrti prvog predsjednika Predsjedništva Republike Bosne i Hercegovine Alije Izetbegovića.

Cvijeće su položile brojne delegacije - najprije članovi porodice, potom predsjedavajući Predsjedništva BiH Željko Komšić, delegacija člana Predsjedništva BiH Denisa Bećirovića, predsjedavajući Doma naroda Parlamentarne skupštine BiH Kemal Ademović, delegat u Domu naroda državnog parlamenta Šefik Džaferović, predstavnici Oružanih snaga BiH, potpredsjednik Federacije BiH Refik Lendo, predstavnici ambasada te brojne druge delegacije.





V ciklus Ljetne škole diplomatije

Na Internacionalnom univerzitetu u Sarajevu 15. septembra 2025. godine počeo je V ciklus Ljetne škole diplomatije u organizaciji Muzeja "Alija Izetbegović" i Homework HUB-a te prijatelja projekta Internacionalni fakultet u Sarajevo i Institut "Ibn Sina".

Tema ovogodišnje Škole diplomatije je „30 godina od Dejtonskog mira: Smjernice diplomatskog puta do 2055". Školu su otvorili direktorica Muzeja "Alija Izetbegović", Šejla Cakić Rizvanović, i direktor Homework HUB-a, Mirza Rastoder.

Prvog dana, učesnicima ovogodišnje Ljetne škole diplomatije svoje bogato iskustvo podijelio je gosp. Miro Lazović, diplomirani sociolog i bh. političar. Kao nekadašnji predsjednik Skupštine R BiH, učestvovao je na svim mirovnim pregovorima o BiH, sve do Daytonskog mirovnog sporazuma u SAD-u 1995. godine.

U nastavku imali smo priliku slušati gosp. Emira Hadžikadunića, nekadašnjeg ambasadora BiH u Iranu (2010-2013) i Maleziji (2016-2022). Doktorirao je iz oblasti Međunarodnih odnosa na Internacionalnom univerzitetu u Sarajevu.



Razgovor smo nastavili sa Nj. E. ambasadorom Države Palestine u Bosni i Hercegovini gosp. Rezeq Namooru koji se osvrnuo na Dejtonski mirovni sporazum i Oslo sporazum. Diskusija je bila izuzetno produktivna sa konkretnim pitanjima u raznim oblastima i sa diplomatskim odgovorima.

Kroz ovu inicijativu koja traje već petu godinu, želimo pružiti podršku mladim ljudima u afirmaciji i razvoju njihovih diplomatskih vještina.



Drugog dana Škole diplomatije u gostili smo ambasadoricu Češke Republike u Bosni i Hercegovini, Nj.E. Janu Šindelkovu, koja je u izuzetno interaktivnoj diskusiji razgovarala sa polaznicima/ama Škole, te detaljnije pojasnila međunarodnu arenu u Bosni i Hercegovini, sa historijskim primjerima Češke Republike. Također, dodatno smo naučili o diplomatskim odnosima između ove dvije države, ali i mogućnosti za dalju i bolju saradnju.

U teorijskom dijelu rasporedu, u gostili smo prof. Nedžmu Džananović Miraščiju s kojom se naučili osnove diplomatskih odnosa u Bosni i Hercegovini, te razvoj bh diplomatije, kao i međunarodni odnosi Bosne i Hercegovini u Ujedinjenim Nacijama i djelovanje istog u BiH.



Treći dan Škole diplomatije svojim predavanjem otvorila je doc. dr. Edita Đapo, bivša federalna ministrica okoliša i turizma. Govorili smo o presudi Haškog tribunala za genocid u Srebrenici, važnosti sučeljavanja sa prošlošću te ulozi diplomatije u izgradnji mira i unapređenja ekonomije.

Sa gđom Eldom Kalaj, bivšom šeficom kabineta generalnog sekretara Regionalnog vijeća za saradnju (RCC) razgovarali smo o EU integracijama, razvoju dobrosusjedskih regionalnih odnosa i ubrzanju procesa integracije regiona u Evropsku uniju. Osvrt na nove dinamične svjetske tokove i diplomatiju dao nam je Nj.E. ambasador Arapske Republike Egipat u BiH Walid Ahmed Abdelfatah Hagagg.



Četvrtog dana Škole diplomatije, Homework HUB je ugostio predstavnike/ce ambasada: Kraljevine Španije u BiH, Nj.E. María Molina Álvarez de Toledo;

Kraljevine Danske u BiH, Nj.E. Åge Sandal Møller;

Kraljevine Švedske u BiH, Ms. Sara Lindegren, Deputy Head of Mission Republike Slovenije, Nj.E. Damijan Sedar.

Uživo iz Sjedinjenih Američkih Država javio nam se Ismail Ćidić koji je govorio o procesima lobiranja, javnoj diplomatiji i njegovom putu odlaska i rada u diplomatskom okruženju za Bosnu i Hercegovinu.

Posebnu važnost pridajemo tome da su nam se pridružili studenti/ce koji su na razmjeni a koji dolaze sa Northeastern University iz Bostona, Sjedinjenih Američkih Država. Cjelodnevnom diplomatskom druženju, studenti/ce iz SAD-a, BiH i Crne Gore imali su mnogo toga naučiti jedni od drugih i steći nova iskustva.

Homework HUB, u saradnji sa JU Muzej "Alija Izetbegović", već petu godinu zaredom organizuje ovaj jedinstveni program namijenjen studentima i studenticama te budućim mladim diplomatama i diplomatkinjama.





Petog dana Škole diplomatije družili smo se sa zamjenikom Generalnog sekretara Arslanom Umutom Ergezerom, šefom Političkog odjela Pavlom Jankovićem i političkom savjetnicom Monikom Petrovom iz Regionalnog vijeća za saradnju (RCC), koji su nas upoznali sa radom svoje organizacije i sa time šta sve ti divni ljudi čine da unaprijede i poboljšaju kvalitet života svih nas u regiji.

Nakon toga posjetili smo Vijeće ministara BiH. Rad Vijeća ministara, još od njegovog osnivanja, nam je približio gosp. Mario Duno. Gosp. Aleksandar Obradović, šef Odsjeka za odnose s javnošću nas je upoznao sa radom izvršne vlasti a gosp. Bakir Sadović je polaznicima Škole diplomatije približio rad Ministarstva vanjskih poslova i detaljnije pojasnio radne procese vezane za evropske integracije BiH. Njihova izlaganja su potakla veliko interesovanje studenata i dijalog koji je uslijedio.

Svoj put smo nastavili u Institutu Ibn Sina. Direktor instituta, Mohammed Hossein Abbasi je, iskazavši srdačnu dobrodošlicu, predstavio program instituta te ukazao na najvažnije projekte i plodove dosadašnjeg rada. Institut je treću godinu partner naše Škole diplomatije.

Posjetili smo i Gazi Husrev-begovu biblioteku i muzej i upoznali se sa muzejskom zbirkom sastavljenom od 1.200 artefakata koja svjedoči o bogatstvu i raznovrsnosti islamske kulture i tradicije nastale na prostorima BiH proteklih skoro pola milenija.

Prof. Dževada Garić, rukovodilac Odjela za Zapadni svijet u Upravi za vanjske poslove i dijasporu pri IZ u BiH je u okviru posjete Gazi Husrev-begovoj džamiji polaznike kratko upoznala sa historijom BiH i Gazi Husrev-begovom zaostavštinom.

Time je ovogodišnja Škola diplomatije okončana. Direktorica Muzeja „Alija Izetbegović“ Šejla Cakić Rizvanović je polaznicima škole uručila certifikate o uspješno završenoj Školi diplomatije u nadi da su obogatili svoja znanja i vještine u oblasti međunarodnih odnosa, evropskih integracija, pregovaračkih procesa i diplomacije.





Posjeta TIKA-e

Muzej „Alija Izetbegović“ je danas imao čast da ugosti novoimenovanog koordinатора TIKA-e (Turske agencije za saradnju i koordinaciju za BiH) gosp. Gökhan Umuta. Ova prilika nam je omogućila da predstavimo naš dosadašnji rad, projekte i viziju budućeg razvoja, te da razmijenimo ideje koje, vjerujemo, mogu postati temelj za buduću saradnju.

Iskreno zahvaljujemo na ukazanom povjerenju, interesovanju i vremenu koje su naši gosti izdvojili kako bi se bolje upoznali s aktivnostima naše ustanove. Takve posjete ne samo da nas motivišu, već i potvrđuju važnost međusobnog povezivanja i razmjene iskustava.




Likovna radionica “Moj bijeg u slobodu”

U saradnji sa Općinom Novi Grad Sarajevo u sklopu svoje edukativne djelatnosti Muzej “Alija Izetbegović” organizira Likovnu radionicu “Moj bijeg u slobodu” pod mentorstvom našeg akademskog slikara Dževdeta Nikočevića u prostorijama Centra za kulturu i edukaciju “Safet Zajko”. Učesnici radionice su učenici Treće gimnazije Sarajevo i Srednje mašinske tehničke škole Sarajevo.

Naša želja je da učenici srednjih škola inspirisani ljepotama naše domovine iskažu svoju kreativnost i nauče bazične slikarske tehnike kroz praktični dio.

Zahvaljujemo Općini Novi Grad Sarajevo na podršci i dugogodišnjoj saradnji.



Posjeta Osnovne škole “Avdo Smajlović”

Posjetila nas je grupa učenika Osnovne škole “Avdo Smajlović sa nastavnicima. Tokom posjete učenici su imali priliku poslušati kraće predavanje o životu Alije Izetbegovića, te razgledati Muzej i muzejsku postavku. Zahvaljujemo se našim najmlađim na dolasku i nadamo se ponovnom druženju.



Republika Turska
izdala kovanicu i
poštansku markicu u čast

Alije Izetbegovića



Republika Turska izdala je posebnu srebrnu kolekcionarsku kovanicu i poštansku markicu povodom 100. godišnjice rođenja Alije Izetbegovića, prvog predsjednika nezavisne Republike Bosne i Hercegovine. Ovim simboličnim potezom Turska je odala počast Izetbegoviću, koji je ostavio dubok trag u historiji Bosne i Hercegovine. Pomenuta izdanja predstavljaju trajnu uspomenu na Izetbegovićev doprinos ne samo Bosni i Hercegovini, već i šire, kao i globalnoj politici, simbolizirajući izuzetnu povezanost naroda i zemalja koje su podijelile mnoge zajedničke izazove u prošlosti.

Potpisan protokol o saradnji

JU Muzej “Alija Izetbegović” i JU “Četvrta gimnazija” Sarajevo potpisali su sporazum o saradnji koji ima za cilj promicanje kulturnih vrijednosti i zajedničko realiziranje društvenih inicijativa i kulturnih programa inspirisanih naslijeđem Alije Izetbegovića, prvog predsjednika Predsjedništva Republike Bosne i Hercegovine.

Saradnja će obuhvatiti realizaciju zajedničkih projekata, organizaciju interaktivnih radionica, simpozija, edukacija, izložbi i promocija, te korištenje resursa obje ustanove. Također će uključivati saradnju u arhivskoj, bibliotečkoj i izdavačkoj djelatnosti, zajedničko prezentiranje i reklamiranje rada obje institucije, kao i saradnju na drugim poljima od obostranog interesa.



Dani sjećanja na **Aliju Izetbegovića** u Četvrtoj gimnaziji Sarajevo

Četvrta gimnazija Ilidža organizovala je Dane sjećanja na predsjednika Aliju Izetbegovića 12. 11. 2025. godine. U okviru programa predstavljena je izložba fotografija "Sjećanja" iz fundusa Muzeja "Alija Izetbegović".

Sjećanje na predsjednika Aliju Izetbegovića nije samo čin poštovanja prema jednoj ličnosti, već i način da čuvamo vrijednosti i ideale na kojima se temelji naša država. Škola, kao mjesto obrazovanja i odgoja, ima posebnu ulogu u njegovanju tog sjećanja — jer upravo kroz mlade generacije žive uspomene i ideali onih koji su stvarali i vodili našu zemlju.

Njegovanjem kulture sjećanja škola potiče učenike da razumiju historiju, da cijene žrtve i vizije koje su oblikovale njihovu sadašnjost, te da uče kako doprinosti boljoj budućnosti.

Iskrene čestitke upravi i uposlenicima škole.



ALIJA
IZETBEGOVIĆ
M U Z E J

**Zlatni ljiljan,
Heroj oslobodilačkog rata**

Adil Bešić
5. 4. 1964. – 28. 11. 1992.

33 godine od pogibije heroja Adila Bešića

Rođeni je Banjalučanin, školovani oficir koji se nakon izbijanja agresije na našu domovinu priključuje TO BiH. Imenovan za komandanta Odreda „Vrsta“ koji kasnije prerasta u 2. bataljon 502. bihačke brigade. Poginuo je u borbama na Grabežu 28. novembra 1992. godine. Bataljon kojim je komandovao od tada nosi naziv po njemu kao i bivša kasarna JNA u Bihaću.

Dobitnik je priznanja "Zlatni ljiljan" i Ordena "Heroj oslobodilačkog rata".



Čestitamo 25. novembar – Dan državnosti BiH! Neka nas ovaj praznik inspiriše da gradimo pravedniju, snažniju i uspješniju Bosnu i Hercegovinu, ali i da u svakom danu pronađemo razlog da vjerujemo u njen napredak.

Neka nas naslijeđe hrabrosti i odlučnosti onih koji su se borili za našu slobodu podsjeti koliko vrijedi biti ujedinjeni, solidarni i okrenuti jedni drugima.

Danas slavimo ne samo prošlost, već i budućnost koju stvaramo — svojim radom, znanjem, poštenjem i ljubavlju prema domovini.

Neka nam Bosna i Hercegovina bude izvor ponosa, snage i nade za generacije koje dolaze. Sretan Dan državnosti!



U povodu 25. novembra - Dana državnosti Bosne i Hercegovine

Dani sjećanja na **Aliju Izetbegovića** u Visokom

Medresa „Osman ef. Redžović“ u Visokom upriličila je svečanu akademiju povodom 25. novembra – Dana državnosti Bosne i Hercegovine.

U sklopu programa JU Muzej „Alija Izetbegović“ predstavila je dokumentarni film „Naslijeđe i vrijeme“ autora Emira Kapetanovića Zumbula i izložbu fotografija „Sjećanja“.

Jedan od najvažnijih datuma u historiji naše domovine je svakako Dan državnosti Bosne i Hercegovine. Ovaj dan ne slavimo samo kao datum, nego kao podsjetnik na ideju, na vrijednost i na zavjet.




Mladim ljudima koji su budućnost ove zemlje, želimo naglasiti nešto važno: državnost BiH nikada nije bila poklonjena – ona je izbor, opredjeljenje i borba svakog naraštaja.

U tome posebno mjesto zauzima lik i djelo prvog predsjednika Predsjedništva nezavisne Bosne i Hercegovine, Alije Izetbegovića. Njegova misija bila je odbrana prava svakog čovjeka da živi slobodno, bez obzira na ime, vjeru ili porijeklo. Njegova snaga nije bila samo u političkoj mudrosti, već u dubokom uvjerenju da se Bosna i Hercegovina može očuvati samo kao zemlja slobodnih ljudi i otvorenih vrata.

Pored nastupa recitatorske i horske sekcije medrese prisutnima su se obratili direktor medrese Dženan Rezaković, direktorica muzeja Šejla Cakić Rizvanović te gradonačelnik Visokog Mirza Ganić.

Srdačno se zahvaljujemo kolektivu medrese na iskazanom gostoprimstvu kao i na uspješnoj organizaciji cjelokupnog programa.





JAVNI POZIV za prijavu na konkurs za najbolje literarne radove za učenike osnovnih škola

Javna ustanova Muzej „Alija Izetbegović“ poziva sve zainteresovane učenike da se prijave na konkurs za najbolji literarni rad na jednu od navedenih tema. Konkurs će biti otvoren od 15.12.2025. do 10.01.2026. godine nakon čega će Nadležna komisija odabrati tri najuspješnija rada koja će biti nagrađena i javno prezentirana.

Teme za učenike osnovnih škola su:

1. „Domovina počinje od vlastitog doma.“ Alija Izetbegović „Moj bijeg u slobodu“
2. 30. godina od genocida u Srebrenici
3. Učenje je naša borba.

Za izabrane najbolje radove učenika osnovnih škola obezbjeđene su novčane nagrade i to:

- Nagrada za prvo osvojeno mjesto iznosi 300 KM
- Nagrada za drugo osvojeno mjesto iznosi 200 KM
- Nagrada za treće osvojeno mjesto iznosi 100 KM

Literarne radove dostaviti na E-mail: konkursmuzejai@gmail.com ili putem pošte na adresu: JU Muzej „Alija Izetbegović“, Evlije Čelebije bb, 71 000 Sarajevo

Uz prijavu na konkurs OBAVEZNO je dostaviti ime i prezime učenika, naziv škole, razred i kontakt telefon. Neblagovremene i nepotpune prijave neće biti razmatrane. JU Muzej „Alija Izetbegović“ zadržava pravo cjelokupnog ili djelimičnog objavljivanja uz navođenje imena autora.

Za dodatne informacije svi zainteresovani mogu se obratiti na broj telefona

033/574-271

www.muzejalijaizetbegovic.ba



JAVNI POZIV za prijavu na konkurs za najbolje literarne radove za učenike srednjih škola

Javna ustanova Muzej „Alija Izetbegović“ poziva sve zainteresovane učenike da se prijave na konkurs za najbolji literarni rad na jednu od navedenih tema. Konkurs će biti otvoren od 15.12.2025. do 10.01.2026. godine nakon čega će Nadležna komisija odabrati tri najuspješnija rada koja će biti nagrađena i javno prezentirana.

Teme za učenike srednjih škola su:

1. „Lakše se oprašta grijeh, nego glupost i kukavičluk.“ Alija Izetbegović „Moj bijeg u slobodu“
2. Međunarodni dan sjećanja i komemoracije genocida u Srebrenici 1995.
3. Profesionalna orijentacija: ključ za bolju budućnost u BiH

Za izabrane najbolje radove učenika osnovnih škola obezbjeđene su novčane nagrade i to:

- Nagrada za prvo osvojeno mjesto iznosi 350 KM
- Nagrada za drugo osvojeno mjesto iznosi 250 KM
- Nagrada za treće osvojeno mjesto iznosi 150 KM

Literarne radove dostaviti na E-mail: konkursmuzejai@gmail.com ili putem pošte na adresu: JU Muzej „Alija Izetbegović“, Evlije Čelebije bb, 71 000 Sarajevo

Uz prijavu na konkurs OBAVEZNO je dostaviti ime i prezime učenika, naziv škole, razred i kontakt telefon. Neblagovremene i nepotpune prijave neće biti razmatrane. JU Muzej „Alija Izetbegović“ zadržava pravo cjelokupnog ili djelimičnog objavljivanja uz navođenje imena autora.

Za dodatne informacije svi zainteresovani mogu se obratiti na broj telefona

033/574-271

www.muzejalijaizetbegovic.ba



JAVNI POZIV za prijavu na konkurs za najbolje literarne radove

Javna ustanova Muzej „Alija Izetbegović“ poziva sve zainteresovane učenike osnovnih i srednjih škola da se prijave na konkurs za najbolji literarni rad na jednu od navedenih tema. Konkurs će biti otvoren od 15.12.2025. do 10.01.2026. godine nakon čega će Nadležna komisija odabrati po tri najuspješnija rada za učenike osnovnih i srednjih škola, koja će biti nagrađena i javno prezentirana.

Uz prijavu na konkurs OBAVEZNO je dostaviti ime i prezime učenika, naziv škole, razred i kontakt telefon.

Literarne radove dostaviti na E-mail konkursmuzejai@gmail.com

ili putem pošte na adresu:

JU Muzej „Alija Izetbegović“
Evlije Čelebije bb
71 000 Sarajevo

**Zlatni ljiljan,
Heroj oslobodilačkog rata,
Medalja za hrabrost**

Hajrudin Mešić

1.1. 1959. – 30. 10. 1992.

Kapetan Hajro

Godišnjica pogibije Hajrudina Mešića

Hajrudin Mešić rođen je 01. januara 1959. godine a poginuo je 30. 10. 1992. u selu Nežuk – Zvornik, na dužnosti komandanta Prve teočanske brdske brigade pokušavajući uspostaviti koridora prema Srebrenici (Kamenici, Cerskoj).

U toku rata obavljao je visoke komandne dužnosti, i to: dužnost komandanta Štaba Teritorijalne odbrane Ugljevik – Teočak i dužnost komandanta Prve teočanske brdske brigade, formirane 16. 09. 1992. godine.

Za ispoljenu hrabrost i ukupni doprinos u pružanju oružanog otpora, 1992. godine, dobio je najviše ratno priznanje značku „Zlatni ljiljan“.

Ukazom Predsjedništva RBiH posthumno je odlikovan Ordenom heroja Oslobodilačkog rata 1994. godine. Odlikovan je i policijskim odlikovanjem Medalja za hrabrost.

Photo: Stav.ba



Moja priča.



ALIJA
IZETBEGOVIĆ
M U Z E J